

KOJ TEJ KEV NTSEEG
KOJ NYIAM LI CAS
KOJ TXOJ KEV XAIV

Allina Health 
(HMONG)

To Taub Kev Txhib Puag hauv Paj Hlwb



For “Should You Have Deep Brain Stimulation” in English, see [neuro-ah-78530](#).

To Taub Kev Txhib Puag hauv Paj Hlwb

Koj lub Paj Hlwb thiab Tej Leeg Xa Xov

Tej qhov nqaij me me xa xov yog cov uas nrog koj lub cev sib txuas lus thaum xa thiab txais xov. Tej zaj xov no tswj kav koj txoj kev hais lus, kev txav tes taw, kev ntaus tswv yim thiab hnov (hnov lus, pom kev thiab kov tau). Tej leeg xa xov muaj ntau ntau qhov nqaij me me ua xa xov hauv koj lub cev.

Kev Txhib Puag hauv Paj Hlwb (DBS)

Teeb meem txav tes taw (tus kab mob Parkinson, kev tshee) yog vim muaj tej kev hloov txawv hauv koj lub paj hlwb thiab cov roj ntshav hauv lub paj hlwb. Tej kev hloov no pauv tau seb koj lub paj hlwb xa xov li cas. Nov pauv tau seb koj txawj txav tes taw li cas.

Tus kab mob Parkinson yog thaum tej leeg xa xov uas tsim cov tshuaj dopamine twb tuag lawm. Txoj kev tshee yog ib qho teeb meem ntawm kev txav tes taw uas ua rau yus tshee hnyo thiab tswj tsis tau yus txoj kev txav tes taw.

DBS siv ib lub tshuab me me hu ua ib lub roj teeb. Yuav tso lub tshuab no rau hauv koj lub xub ntiag thiab nws yuav xa tej hluav taws xob mus hauv tej txoj xaim mus rau koj lub paj hlwb. Txoj kev txhib siv hluav taws xob no tiv thaiv tej leeg xa xov uas ua rau yus muaj teeb meem ntawm kev txav tes taw.

Lawv siv tau qhov DBS kho tej yam kev mob no:

- kev tshee
- qeeb
- tes taw txhav.

Tej kev mob uas DBS kho tsis tau yog:

- mob ua neeg tem toob (dementia)
- kev nyuaj siab kho siab
- cem quav
- teeb meem hais lus.

Tej zaum koj tus kws kho mob yuav hais kom ua kev kho DBS yog tias koj cov tshuaj tsis tswj kav koj tej kev mob lawm. Tej zaum txoj kev siv DBS thiab tshuaj yuav pab ntaus tej yam kev mob thiab pab koj tswj kav koj txoj kev txav tes taw.

Npaj rau kev kho mob DBS

Ua ke no, koj thiab koj tus kws kho mob yuav txiav txim seb kev kho mob DBS no puas yuav zoo rau koj.

Yog koj xaiv kom muaj DBS, koj tus kws kho mob hlwb yuav xa koj mus ntsib ib tus kws kho mob tshwj xeeb. Lawv yuav pab txiav txim seb DBS puas yog ib qhov kev xaiv zoo rau koj.

Ua ntej txoj kev kho mob no, koj yuav tsum ua tej no:

- xoo fai fab siv niam hlau (MRI)
- kev kuaj txoj kev xav thiab lub cim xeeb (kev kuaj sab paj hlwb)
- kev kuaj seb tej kev mob puas yuav zoo yog tias siv kev kho mob DBS (tus kab mob Parkinson xwb).

Yog koj txiav txim ua kev kho mob DBS thiab yuav puaj phais, koj yuav tsum txais ob txoj kev kho mob:

- tso tej txoj xaim rau hauv koj lub paj hlwb
- tso lub roj teeb hauv koj lub xub ntiag.

Koj Txoj Kev Kho Mob

Theem 1: Txoj Kev Kho Tso tej Txoj Xaim

Nov yog ib txoj kev kho mob uas lawv tso tej txoj xaim hauv koj lub paj hlwb.

Thaum ua txoj kev kho mob koj yuav tsis tsaug zog. Ua li no thiaj yuav pab koj pawg neeg kho mob nrhiav qhov chaw zoo tshaj plaws rau tej txoj xaim no.

Yuav thaj cov duab MRI los sis CT kom nrhiav tau qhov chaw zoo tshaj plaws rau tej txoj xaim.

Ua ntej txoj kev kho mob no

- Ua raws li koj tus kws kho mob cov lus qhia hais txog:
 - kev noj mov, haus dej thiab siv luam yeeb
 - noj tshuaj uas kws kho mob sau, cov tshuaj yus yuav tom kiab khw, tshuaj ntsuab los sis lwm yam khoom siv thiab vitamees.
 - cov khoom uas yuav tau nqa tuaj rau lub tsev kho mob.

Tsis txhob noj koj cov tshuaj rau tus kab mob Parkinson los sis tshuaj tshee ua ntej kev phais.

Thaum tab tom ua kev kuaj no

- Koj tus kws phais yuav txhaj ib co tshuaj loog hauv koj tawv taub hau.
- Tej zaum yuav txiav los sis chais cov plaub ib ncig qhov chaw phais.
- Koj tus kws phais yuav tho 1 los sis ob peb lub qhov me me hauv koj lub khauj khaum taub hau thiab tso tej txoj xaim rau hauv koj lub paj hlwb.

Tom qab txoj kev kuaj

- Koj yuav mus thaj cov duab MRI los sis CT kom xyuas tau seb tej txoj xaim puas nyob hauv qhov chaw yog lawm.
- Koj yuav tsum pw ib hmos hauv lub tsev kho mob.
- Koj yuav tau ib co ncauj lus qhia hais txog:
 - kev ua ub ua no
 - kev txwv seb nqa tau khoom hnyav npaum li cas
 - tshuaj
 - kev tu qhov chaw phais.

Koj Txoj Kev Kho Mob (txuas ntxiv mus)

Theem 2: Txoj Kev Kho Tso lub Roj Teeb

Txoj kev kho mob no yog tso ib lub tshuab rau hauv koj lub xub ntiag thiab muab tej txoj xaim txuas rau lub roj teeb.

Thaum ua txoj kev kho mob koj yuav tsaug zog. Yuav tso lub roj teeb rau hauv koj lub xub ntiag li 1 mus rau 2 lim piam tom qab ua txoj kev kho mob ntawm koj lub paj hlwb.

Ua ntej txoj kev kho mob no

- Koj noj tau koj cov tshuaj rau tus kab mob Parkinson los sis tshuaj tshee hnuv uas ua txoj kev kho mob no.
- Ua raws li koj tus kws kho mob cov lus qhia hais txog:
 - kev noj mov, haus dej thiab siv luam yeeb
 - noj tshuaj uas kws kho mob sau, cov tshuaj yus yuav tom kiab khw, tshuaj ntsuab los sis lwm yam khoom siv, thiab cov vitamees uas koj tab tom noj
 - cov khoom uas yuav tau nqa tuaj.
- Yuav chais qhov chaw hauv qab koj tus qais, yog tias xav tau.
- Ib tug nais maum yuav tso ib txoj yas (IV) hauv ib txoj leeg ntshav ntawm koj caj npab.

Thaum tab tom ua kev kuaj no

- Koj tus kws phais yuav:
 - hlais (txiav) ib qho nqaij sab hauv koj tus qais thiab tso lub tshuab rau hauv
 - muab lub tshuab txuas rau ntawm tej txoj xaim ntawm koj lub paj hlwb
 - sim lub tshuab seb nws puas ua hauj lwm zoo thiab muab tua
 - xaws qhov chaw hlais ntawd.

Tom qab txoj kev kuaj

- Koj yuav mus tsev tib hnuv uas koj mus hauv lub tsev kho mob.
- Koj yuav tau ib co ncauj lus qhia hais txog:
 - kev ua ub ua no
 - kev txwv seb nqa tau khoom hnyav npaum li cas
 - tshuaj
 - kev tu qhov chaw phais.
- Koj yuav teem caij rov qab tuaj ntsib koj tus kws phais li 1 mus rau 2 lim piam tom qab koj txoj kev kho mob no.

DBS Kev Txheej Xwm

Ua kev txheej xwm yuav pab xyuas seb yuav tsum tso fai fab ntau npaum li cas. Koj tus kws kho mob rau teeb meem ntawm kev txav tes taw yuav siv ib lub tshuab pauv seb tso npaum li cas.

Yuav pib ua kev txheej xwm 4 lim piam tom qab phais lub paj hlwb. Koj yuav tuaj pauv kev ua txheej xwm no li 2 mus rau 4 zaug hauv thawj 6 lub hlis tom qab ua koj qhov DBS no.

Tej zaum koj yuav tau ua kev qoj tes taw, kev pab kho kom ib ce rov qab muaj zog los sis kev pab xyaum hais lus tom qab koj tawm ntawm lub tsev kho mob. Koj tus kws kho mob yuav pab koj nrhiav seb yam twg yuav pab tau koj zoo tshaj.

Tej Yam Zoo thiab Tej Kev Xwm Txheej

Tej Kev Pab	Tej Yam Tseem Ceeb ntawm Kuv txoj Kev Txiaiv Txim	Kuv Tej Kev Xav
Tej zaum koj txoj kev txav tes taw thiab kev tshee hnyo yuav zoo zuj zus. Tej zaum koj yuav haj yam tswj kav tau koj txoj kev txav tes taw tom qab txais kev kho mob no.	<input type="checkbox"/> Tau <input type="checkbox"/> Tsis tau	
Yuav pauv lub roj teeb raws li koj xav tau.	<input type="checkbox"/> Tau <input type="checkbox"/> Tsis tau	
Yog koj tab tom noj tshuaj ntaus koj tej kev mob no, ces tej zaum koj yuav tsis tas noj ntau npaum li koj noj ua ntej txoj kev kho mob no.	<input type="checkbox"/> Tau <input type="checkbox"/> Tsis tau	
Koj yuav tsis tas pw ib hmos hauv lub tsev kho mob tom qab lawv tso lub roj teeb hauv koj xub ntiag.	<input type="checkbox"/> Tau <input type="checkbox"/> Tsis tau	
Yuav thim tau txoj kev kho mob no thiab tsis ua rau koj lub paj hlwb puas tsuaj li cas.	<input type="checkbox"/> Tau <input type="checkbox"/> Tau tau	

Tej Yam Zoo thiab Tej Kev Xwm Txheej (txuas ntxiv mus)

Tej Kev Xwm Txheej	Tej Yam Tseem Ceeb ntawm Kuv txoj Kev Txiaiv Txim	Kuv Tej Kev Xav
Koj yuav raug 2 txoj kev kho mob hauv 2 lim piam. Nyias txoj kev kho mob muaj nyias txoj kev xwm txheej. Koj tus kws kho mob yuav piav txog tej no.	<input type="checkbox"/> Tau <input type="checkbox"/> Tsis tau	
Muaj tau tej kev phiv zoo li dias taub hau, mob voos ua paug, teeb meem ntawm cov ntshav uas nce paj hlwb, los ntshav, qaug dab peg, hnov mob ib ntus thiab feeb tsis meej tom qab kev phais.	<input type="checkbox"/> Tau <input type="checkbox"/> Tsis tau	
Tej zaum koj tseem yuav muaj tej kev mob los ntawm tus kab mob Parkinson los sis tshee hnyo.	<input type="checkbox"/> Tau <input type="checkbox"/> Tsis tau	
Tsawg tshaj 1 tug ntawm 10 tus neeg muaj teeb meem rau lub tshuab no, zoo li tej khoom yaig mus.	<input type="checkbox"/> Tau <input type="checkbox"/> Tsis tau	

Kuv Nyiam Li Cas

Lus nug	Kuv Tej Kev Xav
Thaum koj xav txog tej kev muaj feem raug xwm txheej, koj muaj tej kev ntshai los sis kev txhawb xeeb li cas?	
Thaum xav txog koj kev kho mob DBS, koj muaj kev cia siab thiab cov hom phiaj zoo li cas?	
Dab tsi tseem ceeb tshaj rau koj?	
Koj puas to taub zoo txog tej kev pab thiab tej kev xwm txheej rau txoj kev kho mob DBS?	
Puas muaj ib yam dab tsi uas yuav thaiv koj kev tsis pub ua li no?	

Tas Sim No Kuv Txiaiv Txim Li Cas

ua txoj kev kho mob tsis txhob ua kev kho mob

Yuav Ua Lwm Yam

Tej Lus Nug rau Koj Tus Kws Kho Mob

1. DBS puas puaj phais rau kuv?
2. Kuv raug tau tej yam xwm txheej zoo li cas tom qab kev phais?
3. Kuv yuav tsum pib ua txoj kev kho mob DBS thaum twg?
4. Txoj kev kho mob DBS muaj tau xwm txheej ntau npaum li cas?
5. Kuv yuav tau kev pab ntau npaum li cas thaum ua qhov kev kho mob DBS?
6. Tsis suav tej kev kho mob DBS, kuv yuav ua li cas thiaj xyuas seb puas muaj thiab tiv thaiv kom txhob muaj tej kev mob vim muaj teeb meem ntawm kev txav tes taw uas huam loj tuaj?
7. Kuv yuav tsum txiav txim thaum twg yog kuv yuav ua txoj kev kho mob no?
8. Tom ntej kuv yuav ua dab tsi?
9. Lwm cov lus nug: _____

Yuav Ua Lwm Yam

Cov Lus Nug rau Koj Tsev Isalas

Tseem ceeb heev kom koj to taub tias yuav txais kev pab kho mob li cas thaum koj txiav txim txog kev kho mob no.

Hu koj lub tsev isalas thiab nug seb lawv kam duav thiab tsis kam duav tej kev kho mob twg, thiab koj yuav tau lav them tej nqi dab tsi. Nrhiav tus naj npawb xov tooj hauv koj daim npav ua mej zeej.

1. Puas yuav duav kev phais DBS?

2. Puas muaj tej yam los sis tej kev cai uas kuv yuav tsum ua kom thiaj tau kev duav?

3. Cov kws kho mob twg koom kuv pawg kho mob?

4. Kuv yuav lav them ntau npaum li cas rau txoj kev kho mob no?

5. Yog tias kuv xav tau kev phais, kuv yuav tsum them ntau npaum li cas rau txoj kev kho mob no?

6. Lwm cov lus nug thiab lus cim: _____

Allina Health complies with applicable federal civil rights laws and does not discriminate on the basis of race, color, national origin, age, disability, gender identity or sex.

Allina Health does not exclude people or treat them differently because of race, color, national origin, age, disability, gender identity or sex.

English: ATTENTION: If you speak English, language assistance services, free of charge, are available to you. Call 1-877-506-4595.

Spanish: ATENCIÓN: si habla español, tiene a su disposición servicios gratuitos de asistencia lingüística. Llame al 1-877-506-4595.

Hmong: LUS CEEV: Yog tias koj hais lus Hmoob, cov kev pab txog lus, muaj kev pab dawb rau koj. Hu rau 1-877-506-4595.



allinahealth.org